

بعد غرق سفينة الفوسفات .. الجيش يتسبب في كارثة بيئية قاتلة والإعلام الرسمي "أجازة"



الأربعاء 22 أبريل 2015 12:04 م

أثار خبر غرق ناقلة بترول عسكرية مما تسبب في سقوط 500 طن فوسفات في مياه النيل موجة من الهلع للنشطاء والمتخصصين على مواقع التواصل الاجتماعي مؤكدين أن هذا الامر خطير

حيث قال الناشط محمد عطية في تدويته : النهاردة في قنا في 500 طن فوسفات (500 ألف كيلو) غرقوا في مياه النيل ,, متخضش ,, دي كارثة بيئية بسيطة زي أنفجار مفاعل تشيرنوبيل كده فالإعلام بيتعامل معاها بسلاسة ,, فلو حضرتك بجد عندك نية حقيقية مجيلكش كل الأمراض اللي لسه ملقولهاش علاج ياريت متشربش من الحنفية ولا تاكل أي سمك يبطلع من النيل خالص ,, أنقطع عن النيل والأكل منه لشهور أشرب مياه معدنية فقط حتى لو معكش فلوس تاكل .. الموضوع بجد مش هزاز "بحسب وصفه".

فيما قال الناشط حسام مجدي: يا جماعة في مصيبة بيئية حصلت في مصر .. لو كانت حصلت فأى دولة محترمة في العالم كانوا أعلنوا حالة الطوارئ القصوى و بدأ الإعلام و المدارس و المراكز توعي الناس بالإجراءات اللي المفروض يخذوها عشان اللي حصل ده .. في 500 طن فوسفات غرقوا في مياه النيل عند قنا .. أيوه 500 طن يعني 500 ألف كيلو ..

لو حابب تعرف مدى الضرر اللي ممكن يسببه ارتفاع طفيف في نسبة الفوسفات في المياه ممكن سيادتك تكتب في جوجل : phosphate pollution effects .. صدقني مش هتشرب مياه تاني من الحنفية لمدة سنة على الأقل .. و بما إن الإعلام بيتعامل مع الحادثة باعتبارها حادثة سير عادية مش مصيبة بيئية رهيبة .. فأحب أحذر صحابي و الناس اللي بتشوف الكلام ده أنها متشربش أي مياه من الحنفية أو حتى من الفلتر لمدة شهور على الأقل .. و لغاية ما يتم التأكد أنهم انتشلوا الأطنان دي .. و تقعد بعدها شهر على الأقل كمان متشربش منها .. المدة دي اجتهاد مني بما إن مفيش حد طلع قالنا نعمل إيه في المصيبة دي لغاية دلوقتي و الإعلام مشغول باستضافة زينا لتهنئتها بنسب الولاد لأحمد عز .. المياه المعدنية لازم تبقى أسلوب حياة بالنسبالك لو مش عايز يجيلك سرطان أو عجز جنسي أو مشاكل في البصر أو التنفس ..

طبغًا مش هتكلم إن أي سمك نيلى لازم تتعامل معاه على انه نوع مدمر من المخدرات يجب عدم الاقتراب منه لفترة لا بأس بها .. مش عارف تأثير ده هيبقى إيه في المنتجات الزراعية اللي بتتروى مباشرة من مياه الري .. بس انا حزين و الله .. مش بس عشان ده حصل .. عشان أقصى تعاطي مع الموضوع هو إن سيادة وزير الري ووجه السادة المسؤولين بإغلاق محطات الشرب ! .. في حين إن أي دولة تانية كان طلع رئيس الوزراء و بيه على المواطنين يعملوا إيه في الكارثة دي و وضح هوو يتعامل معاها ازاي و الخطوات اللي هتتاخذ عشانها ! .. بس عادي يعني احنا فمصر .. المهم دلوقتي ناخذ بالناس من صحتنا او صحة ولادنا على الأقل .. و ننشر الكلام ده لناس كتير عشان تاخذ بالها .. و متشربوش أي مياه معدنية برضه لأن فيه انواع مخالفة لمعايير السلامة الصحية و فيه شركات بتبيع من غير تصريح .. خلليك في الأنواع المشهورة أفضل

ويضيف أحد المتخصصين قائلًا : الفوسفات الصخري المصري هو من اجود الانواع فى العالم ... اليوم اصطدم صندل نهري عسكري بكوبرى فى صعيد مصر ..

عادي ماكلنا عارفين ان بتوع خير اجناد النهر مايبعرفوش يسوقوا اساسا ... لكن اللى موش عادي ان حمولة الصندل وقعت فى نهر النيل العظيم .. 500 طن من الفوسفات الصخري غرقت يحتوى طن الفوسفات على 200 جرام يورانيوم !!! يعنى عندنا فى النيل ساعة كتابة السطور 10 ك يورانيوم مشع !!! غير قابل للزاله ...

و الفوسفات ثنائى الكالسيوم ماده سامه ...و هو يذوب قليلا فى الماء يعنى اشعاعه و سميته ستظل آلاف السنين و هى ليست مبالغه تهدد صحة اولاد اولاد و كررها مائة مره اولادنا (العسكرى سمم النيل بإهماله ... بالمره قبل ماينشف)